



ზოგადსაგანმანათლებლო
დანესაბუღებების ავტორიზაციის საბჭო

23/04/2025



MES 4 25 0000435271

გადაწყვეტილება

**ზოგადსაგანმანათლებლო დაწესებულებების ავტორიზაციის საბჭოს 2023 წლის 04 დეკემბრის
N1638083 ოქმის მე-5 ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად, საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1.შევიდეს ცვლილება ზოგადსაგანმანათლებლო დაწესებულებების ავტორიზაციის საბჭოს 2023 წლის 04 დეკემბრის N1638083 ოქმის მე-5 ნაწილში და ჩამოყალიბდეს შემდეგნაირად:

„5. სსიპ - ქალაქ თბილისის N115 საჯარო სკოლის ავტორიზაციის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ, დავით მალაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ

წარმოდგენილ არგუმენტებზე პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა სხდომაზე წარადგინა ზოგადი განათლების ხარისხის უზრუნველყოფის ექსპერტმა, მაია ლაპიაშვილმა. ექსპერტმა განაცხადა, რომ სსიპ - ქალაქ თბილისის N115 საჯარო სკოლაში ავტორიზაციის ვიზიტი განხორციელდა 2023 წლის 27 და 28 სექტემბერს. სკოლა მდებარეობდა ქალაქ თბილისში, გლდანის, მე-8 მ/ რ-ში სკოლა ახორციელებდა ზოგადი განათლების დაწყებითი, საბაზო და საშუალო საფეხურების ზოგადსაგანმანათლებლო პროგრამებს ქართულ ენაზე, ხოლო თვითშეფასების კითხვარში მოსწავლეთა ზღვრულ რაოდენობად მოთხოვნილი ჰქონდა 1650 მოსწავლე.

ექსპერტმა განაცხადა, რომ პირველი სტანდარტი (სკოლის ფილოსოფია), მეორე სტანდარტი (სასკოლო კურიკულუმი), მესამე სტანდარტი (სასწავლოპროცესის ადმინისტრაციული და ინფრასტრუქტურული მხარდაჭერა) და მეოთხე სტანდარტი (მოსწავლეთა მხარდაჭერა) შეფასდა, როგორც „შეესაბამება სტანდარტის მოთხოვნებს“. ექსპერტის განცხადებით კომპონენტები 3.4 და 3.5 მეტწილად შეესაბამებოდა სტანდარტით განსაზღვრულ მოთხოვნებს.

ექსპერტმა აღნიშნა, რომ თითოეულ მეტწილად შეფასებულ ინდიკატორთან დაკავშირებით ექსპერტთა ჯგუფის მიერ გაცემული რეკომენდაციები აღწერილი იყო ზოგადსაგანმანათლებლო დაწესებულების სტატუსის მამიებლის შესახებ ზოგადსაგანმანათლებლო დაწესებულების ექსპერტთა ჯგუფის დასკვნაში. დასკვნა ასევე მოიცავდა ექსპერტთა ჯგუფის მიერ გაცემულ რჩევებს.

მაია ლაპიაშვილის თქმით, სკოლაში სარეაბილიტაციო სამუშაოები განხორციელდა 2019-2020 წლებში სსიპ- საგანმანათლებლო და სამეცნიერო ინფრასტრუქტურის განვითარების სააგენტოს (შემდგომში - სააგენტო) მიერ. ექსპერტის განცხადებით, სკოლისთვის დამახასიათებელი იყო გუნდურობა და მასწავლებლები აცხადებდნენ მაღალ მზაობას ცვლილებებისადმი. სკოლა თემში სარგებლობდა დადებითი ავტორიტეტითა და ნდობით.

ექსპერტმა დაწესებულების საუკეთესო პრაქტიკის ფარგლებში აღნიშნა, რომ სკოლაში მნიშვნელოვანი ყურადღება ეთმობოდა არაფორმალური განათლების ხელშეწყობას, საკლუბო მუშაობასა და პარტნიორობას რიგ ორგანიზაციებთან. სკოლა ტრენინგების, პროექტებისა და კვლევების ფარგლებში აქტიურად თანამშრომლობდა World Vision-თან. ასევე მემორანდუმი ჰქონდა გაფორმებული სხვადასხვა უნივერსიტეტთან. სკოლაში განსაკუთრებით აქტიურობდა მოსწავლეთა თვითმმართველობა, რომელთა ინიციატივითაც ხორციელდებოდა სხვადასხვა სახის კვლევები, პროექტები და აქტივობები.

საბჭოს თავმჯდომარემ, დავით მაღაზონიამ, მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრმა, ეკატერინე კვირიკაშვილმა, კითხვით მიმართა სკოლის წარმომადგენლებს დაეზუსტებინათ, მოცემული დროისთვის ფლობდა თუ არა დაწესებულება შენობა- ნაგებობის მდგრადობის შესახებ დასკვნას. დასმული შეკითხვის საპასუხოდ, სკოლის დირექტორის მოვალეობის შემსრულებელმა, ფიქრია ღამბაშიძემ, აღნიშნა, რომ დაწესებულებას მოცემული დროისთვის მოპოვებული ჰქონდა შენობა- ნაგებობის მდგრადობის შესახებ დასკვნა, რომლის მიხედვითაც, სკოლის შენობის მდგომარეობა იყო დამაკმაყოფილებელი, თუმცა დაწესებულებაში არსებული შენობების დამაკავშირებელი ხიდი სეისმოდგრადობის თვალსაზრისით საჭიროებდა შესაბამისი გასამაგრებელი სამუშაოების ჩატარებას. სკოლის დირექტორის მოვალეობის შემსრულებლის, ფიქრია ღამბაშიძის, განცხადებით, სკოლა გეგმავდა აღნიშნულთან დაკავშირებით მიემართა სააგენტოსთვის. ფიქრია ღამბაშიძემ ასევე დასძინა, რომ დაწესებულებას წარმოდგენილი ჰქონდა მიწერილობა ზემოაღნიშნულ სააგენტოსთან სკოლაში ადაპტირებული გარემოსა და შენობა- ნაგებობის სახანძრო უსაფრთხოების საკითხის

უზრუნველყოფასთან დაკავშირებით. აქვე, მან ყურადღება გაამახვილა დასახელებული უწყებიდან მიღებულ პასუხზე, რომლის თანახმადაც, 2024 წელს დაგეგმილი იყო სარეაბილიტაციო სამუშაოების განხორციელება.

დავით მაღაზონიამ აქცენტი გააკეთა სკოლის მიერ წარმოდგენილ კურიკულუმებზე და აღნიშნა, რომ რიგ შემთხვევებში კურიკულუმებში მოცემული საკითხები საჭიროებდა განვითარებას და დახვეწას. ფიქრია ღამბაშიძემ აღნიშნა, რომ სკოლაში იგეგმებოდა მოცემული მასალების გადახედვა და განვითარება.

საბჭოს წევრმა, მორის დანდურიშვილმა, კითხვით მიმართა სკოლის წარმომადგენლებს დაეზუსტებინათ, ჰქონდა თუ არა სკოლას ციფრული განვითარების გეგმა. სკოლის დირექტორის მოვალეობის შემსრულებელმა აღნიშნა, რომ სკოლას ჰქონდა ციფრული განვითარების გეგმა და ამასთანავე სკოლა აღჭურვილი იყო შესაბამისი ტექნოლოგიური ინფრასტრუქტურით. საბჭოს წევრი, პეტრე ბაბილუა დაინტერესდა, რამდენად ხდებოდა კონკრეტულ საგნებთან მიმართებით ტექნოლოგიების გამოყენება. ფიქრია ღამბაშიძის განცხადებით, სკოლაში ტექნოლოგიურ საშუალებებს იყენებდნენ სხვადასხვა საგნის ფარგლებში, როგორც დაწყებით, ისე საბაზო და საშუალო საფეხურებზე.

დავით მაღაზონიამ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - ქალაქ თბილისის N115 საჯარო სკოლის ავტორიზაციისა და მოსწავლეთა ადგილების ზღვრული რაოდენობის 1650 -ით განსაზღვრის საკითხი.

კენჭისყრის შედეგები:

მომხრე - 12

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის და 21-ე მუხლის პირველი, მე-2 და მე-3 პუნქტების შესაბამისად, სსიპ - ქალაქ თბილისის N115 საჯარო სკოლას (ს/კ: 209472630) 9 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 1650- ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ქალაქი თბილისი, გლდანი, მე-8 მ/რ
2	ზოგადი განათლების საბაზო საფეხურის	საბაზო	ქართული	ქალაქი თბილისი, გლდანი, მე-8 მ/რ

	ზოგადსაგანმანათლებლო პროგრამა			
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ქალაქი თბილისი, გლდანი, მე-8 მ/რ

საბჭომ 3.5 კომპონენტების შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2027 წლის აპრილში. კერძოდ: ადაპტირებული გარემოს დამადასტურებელი ფოტო- მასალა.“

2. ზოგადსაგანმანათლებლო დაწესებულებების ავტორიზაციის საბჭოს 2025 წლის 22 აპრილის N431707 სხდომის ოქმის მეხუთე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ბერიკაშვილი ნინო

ბ. ჩიქოვანი

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
წიფურია ეკატერინე

ე. წიფური

